



# Kuminah chhiatni fund khawn belh kan ngai dawn

## Branch News

Chanmari West, 22<sup>th</sup> September, 2013 : Kumin chhungin kan veng thlanmualah mi 30 kan thlah liam ta a, ruang hmun danga chhuak hi 10 chuang a awm tawh bawk a, kum dang ang bawkin kuminah pawh hian chhiatni fund-in min daih dawn lo niin a lang.

Kuminah hian chhiatni fund-a kan hmuh tawh zawng zawng leh nikum a kan hman bang awm chu Rs 3,33,860.00 a ni a, kan hman tawh hriat theih chin chu Rs 3,06,994.00 zet a ni tawh a, pawisa fai Rs 26,866.00 chauh a awm tawh a, ba dang pek leh pheih chuan hei ai hian a la tlem lehzual ngei ang.

Kumina kan veng thlanmuala mi 30 kan thlah liam zingah hian lumen ngai chu vawi 16 a ni a, lumen a nih hian mitthi pakhat kan sen zawng zawng hi Rs 8000 - Rs 9000 vel a ni thin a, lumen loah chuan hei ai hian a tlem deuh thin. Chhiatni fund hi mitthi vuakvet bakah thlanmual in

leh bungrua atan te, information mike atante hman a ni thin a, a bak chu khawi dangah mah hman pen a ni ngai lo a ni.

Hetiang hi kan dinhmun a ni a, nikum anga mitthi 40 laite kan la nei a nih chuan tuna kan sum dinhmun hian kan mamawh min phuhru zo dawn lo niin a lang a, amaherawhchu, Branch YMA committee an la thu leh lo va, an thut hun chuan kan veng chhungkaw tin hian chhiatni fund hi thawh belh leh ngei kan ngai dawn ni niin alang a, chuvang chuan chhungkaw tinte lo inrin lawk ni se a lawmawm hle ang.

□ Bialtu MLA hnen atangin silpoulin 5, YMA colour a chei dawn a ni a, section hrang hrangte enkawl tura tih niIN, Branch-in bialtu MLA chungah lawmthu a sawi.

□ Executive member Pu VL Thakima a puzawn thihna avanga Thingsula zin pawh dam takin a lo haw leh ta.

□ Executive member NI Lalramengi KTP programme a East Lungdara zin pawh dam taka a lo haw hnuin bial KTP programme-ah Tripura lamah a thang mek

□ Mitthi lumen zana hman turin Combo (sound box leh amplifier) inkawp Rs.9300/- man lei a ni.

□ Thlanmual a hman turin tui connection tih fel tawh a ni a, Deptt. lamin pipe an la neih loh avangin pipe vuah fel loh a ni, an neih veleh hman theih tura hmalak tum a ni. Tui dahna tur sintex litre 2000 lei fel tawh a ni bawk.

□ YMA Park atanga YMA Zawlbuk panna tur jeepable road kawng sial dan tur chu working committee leh Local council ten inrinni zing khan thlirho a ni.

## CONFERENCE - 2013 KAL DUH TAN

October ni 15 - 17 chhungin Khawbungah YMA General Conference neih a ni dawn a, kumin hi inthlan kum niin, kan branch treasurer Pu R Lalhmachhuana'n finance secretary a chuha tling ngei turin branch chuan a duhsak.

Kan branch atanga member kal turten September ral hmian secretary Tv Zairemmawia emaw mahni awmna section secretary hnenah hming pek luh tur a ni.

## Leimin vangin In pakhat chim

Ni 20.9.2013 tlaia Taitesena Section huam chhunga Pu R. Rosanga in chhungkaw pahnih luah chu leimin vangin a chim a, vanneih thlak takin thi leh hliam an awm lo.

He chhiattawhna hi hriat a nih veleh veng chhung mi tlawmngaiten senghawi hna hi thawh nghal a ni a, he in luahtu Pu Ralkhama chhungkaw member pathum leh Pu Lalremtluangate chhung member pathum bawk hian an bungrua zawng zawng chhe vekin an chan a ni.

Disaster management committee leh Chanmari West Branch YMA chuan chhiattawkte chhawmdawl nan hian chhungkaw tinin tanpuina pek nise a ti a, tanpuina hi mahni remchanna hmunah remchan ang tawk tawk September thla chhung hian pek theih a ni. Tanpuina pekna hmun turte : Taitesena Section-ah Pu C. Lalmuankima, Khuangchera Section-ah Pu Lalrinliana (Sir Tea) leh Pu KC. Gangte, Neuva Section-ah Pu Lalliansangpuia, Chawngbawla Section-ah Pu Lalruatsanga leh Vanapa Section-ah Pu Vanlalvena hnenah pek theih a ni.

## AWM THAR

1. Pu Lalmuanzualate chhung member 2, Biate atangin Pu Lalmalsawma te in T-Sect.ah.

2. Tv R. Lalruatfela Mamit chhim veng atangin Pu L. Nghakliana in T-Sect.ah.

3. Pu C. Lalmuakmawiate chhung member 3, Saron veng atangin Pi Ronghinglovi te in T-Sect.ah.

4. Pu Lalnunsangate chhung member 5, Serchhip Field veng atangin Pu Lalzirliana in T-Sect.ah.



## TUNKAR CHANGVAWN

Zu rui mite leh sa heh mite chuan lo rethei dawn si a, nguina in puan chhia a sintir ang.

Thufingte 23:21

**Editorial Board**

<b>Editor:</b>	RLalringheta	9862358337
<b>Joint Editor :</b>	Lalchhandama	9862358347
	JLalnangliana	9862399658
<b>News Editor :</b>	Thangkhuma	9862303135
	Lalchhuanmawia	9862580558
	KLalremtluanga	9862119608
<b>Cir.Manager :</b>	Jacob Lalrinsanga	9612319779
<b>Production Manager :</b>		
	RL Thanhmuna	9436152760

**Branch Office Bearer**

<b>President</b>	C Lalarliana	9436142049
<b>Vice President</b>	K Darthantluanga	9436196071
<b>Secretary</b>	Zairemmawia	9862385654
<b>Asst. Secretary</b>	RL Thanhnuna	9436152760
<b>Treasurer</b>	R. Lalhmachhuana	9436151817
<b>Fin.Secretary</b>	Lalrinliana	9862581814
<b>Adviser-te :</b>	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

**Editorial :**

Tun tum YMA AW buaipui tute kan thawl rak rak hle mai. Kan Editor lah Tripura ramthim su eng turin a kal a, kan thian dangte lah an hman lo remchang bawksi, The Big Boss meuh pawh a thu ngui lup lup mai.

Kan hlauhthawn fo angin leimin avangin chhiat kan tawka ngei a, nunna em chan kan awm lo hlauh a tihzia hle. Heng chhiat rup thlen theihna lakah hian inveng fimkhur deuh deuh ila a lawmawm khawp ang. Heng hun hi thleng lo thei lo kan nih hun a thleng thin a, hetiang kan lo nih palh rau rau chuan tanpuina lamah hian thahnemngai deuh deuh ila a tha khawp ang. YMA ang pawhin tanpuina pek kan duh thin a, chuta tan chuan fund kan nei a, duh angin he fund head-ah hian sum a tling tam tawka thei lova, veng chung mite hian helam kawngah hian tan la thar deuh deuh ila a lawmawm hle ang.

Heng bakah hian chhiat tawhna dangah hian tan kan lak thar deuh deuh a tha hle mai. A bik takin thlan laih chungchang hian tan kan lak deuh deuh reng chu a ngai hle a ni. YMA zan angah hi chuan kan la tha tlangpui a, a lawmawm hle a, hemi kawngah pawh hian hma kan la sawn zel thei a, mi dangte tana inpek thar deuh deuh i tum zel ang u.

Tun tum zawng Pahminga kamliam kan chang dawn a, a thahnemngaihna avangin a ziak thui deuh a, karleh lamah kan chhonzawm leh mai dawn nia.

**Article****Veng hmangaih vangin MPL kan buaipui**

- Hmingthansanga, general secratry, Chanmari West Sporting Club

Mizoram Premier League (MPL) season hnihna khel turin Chanmari West Sporting Club kan inbuatsaih meka, huphurhawm hle mah se Pachuau kan soal laklawh tawha tawpsan thei kan ni tawh lo. Vengchung mipui chakna hmangin veng hming tihthata chawi lar tumin theitawp kan chhuah ve meka ni.

**ENGNGE MPL :**

Thenkhat MPL buaipui reng renga kan buai lai hian hre lo pawh kan la awm thei awm e. Mizoram Football thuneitu sang ber Mizoram Football Association (MFA) leh ZONET tang dunin an buatsaih MPL hi Mizoram chhunga Football Club tha bik pariat ten nikum atang khan an khel tan.

Professional zulzuiin semi-professional anga ngaih a ni a, lawmman atan pakhatnain Rs nuai 5, a hniam berin Rs 80,000 an la thei. Club tan zawm tur dan mumal tak siam a ni a; (1) Club chu Firms & Society hnuaiah a in-register ngei tur a ni; (2) Club-in sum (bank account-ah) cheng nuai 4 a nei tur a ni; (3) Club-in Physiotherapist puitling emaw MFA hnuaia Physio training tawh a nei ngei tur a ni; (4) Club-in Rs 50,000 aia tlem loa sponsor-tu a nei ngei tur a ni; (5) Club chu sorkar kuta awm ni lo pawl emaw mimal ta a ni tur a ni; (6) Club chu coach, AFC 'C' license nei chinin a enkawl tur a ni; (7) Player hlauh bithliah a ni a, a hlauh hniam berin Rs 3,000 a hlauh ngei tur a ni etc. tih vel a ni duah mai.

2012-2013 season hmasa bera playoff khel kan tum tan ve lai khan keini Chanmari West Sporting Club tan chuan SI No 1 leh 5 chiah khi kan tlin tawka chu a ni nghal, khel ve kan duh tlat si a, lu a hai tan nghal hle mai.

**ENGTINNGE KAN KHELH VE NGAWT:**

Season khatna playoff kan khel dan chungchang han tarlang lawk ila, a tan tirhna a ni a, 1st division club record tha zual 4 automatic qualification an pek hnua hmunawl 4 chuh turin club a duh apiang tan qualifying khel thei a ni.

Keini ADFA hnuaia 2nd division-a sang ber kan nih avangin automatic qualification min pe tur a ni tia kan dil pawhin an phal si lo a, kan veng thalaite hmakhua thlirin kan

hruaituten khel ve an duh miao si a, hma kan han la tan chu a lu hai thlak rualin tum chuan kawng a lo awm ve mai zel.

"Tum chuan kawng a awm a ni", tih thuvawn vawng tlatu Chairman Pu Ramhluna leh secretary Tv Zaiteate kan nei a, khel ve an tum miao si a, hma kan la ta alawm maw le !

Physio training chhuak tu nge kan biak ang tihah kan lu a hai em em a, Pu R Lalsangzuala'n (Sangzual#\*nga'n) kan nau Rebeki hi Physiotherapist a nia, a hman theih ang em ?? 'theih tehreng mai lo be ta che', Physio atan , Pu BTA fanu Dr Rebecca Lalringheti phawt.

Coach-ah le ?? Central YMA football-a final min thlenpuitu Pu Maneiha kha assistant Pu Malala leh kan YMA team buaipuitu Tv Zaitea'n lo be mai ta che u, OK.

Rs nuaih 4 engtinngaw kan tih ang, kan beidawng tep tawh a, kan inhmukhawm zut laiin Pu Zotea varanda atanga beidawng thawk lak paha dak chhuak Pu Ramhluna'n, "Khuuu, Pu Zote, i kawmthlang pa bank lam Babu Pu Ramzauha khu i zu leng teh ang", Pu Ramzauha'n 'veng tante chuan' tiin buai chung chungin tih dan min lo zawnsak.

Tlaikhawhnuah, mi club an inbuatsaih tan suau suau tawh hnua document tul ang ang nen last date-ah ngat engtin emaw kan va inziak lut ve thei hram a, a buaithlak deuh bawka 'veng tan a ni bawka a' hnathawhna lama ka pu Dy. SP Tv Biakkima pawh ka tir kawi zeh zeh mai. Kan inbuatsaih tlai deuh bawka team 8 inel zingah uiawm deuh deuha chak loin 6-na niin kan tla a, MPL khel pha club thenkhat lakah kan player neih that zual kan chan zui bawka.

Tichuan, nikum season chu ADFA hnuaia 1st div club zinga titha ber dawttu kan ni a, district tin atanga club 2 zel playoff khel thei turah Aizawl district atangin kan inhlankai ve leh ta. CH Sect Tv senior Mawia'n an department Coach NI R Lalnunsangi min biak felsak hnua inziak lut felin, tehna hrang hrangah club thenkhat an tlin loh avangin Aizawl veng hausu ber pawl Electric Veng FC leh in sang thum khuua inchhal, district capital chuh ngam Khawzawl FC te nen May khan kan khel a, EFC nen 1-1 a nih hnuaia 2-0 in Khawzawl kan a hneh a, MPL season 2 atan fel fai takin kan inpetkai ve ta phawt mai.

(Phel linaah zawm a ni)

**Chawngbawla Section**

☐ Bial 2na huamchhunga Mitthi buhfai kawn turin heng mite hi ruat thar an ni.

1) Lalrinawmi Ralte d/o Lalrawngbawla Ralte 2) Julie Lalflansangi d/o PC Lalruatkima 3) Lawmnasangzuali c/o Lalkhawthangi

☐ Pu Zochhuanmawia te'n fapa duhawm tak an nei thar a, an lawmpui hle.

☐ YMA General Conference Khawbung a member kaltum te chuan Section Secretary Pu JK Zosangliana (9612152800) emaw Branch Secretary Tv Zairemmawia (9862385654) te hnenah in report turin an inhriattir.

☐ Tunkar hunawl remchang ah Section Committee thut tum a ni.

☐ Ui leh Ar khuahkhirh turin chhungtin te an inngen.

**Khuangchera Section**

☐ Hun remchang hmasaber ah Committee thut a ni.

☐ Ni 19.9 2013 zan khan rukruk tum pahnih Ramnunsanga, Sakawrtuichhun leh Lalhlankaia Thuampuite chu man anni, Vaivakawn Police kutah hlan a ni. Mitinte fimkhur turin an inchah.

☐ Central Road a In sakna hmanrua kawng dala dah lo tur leh senghaw zung zung thin turin an inhriattir.

☐ Chhiat tawhna pumpelh anih theih nan chhungtinte tuichhe paihah fimkhur turin an inchah.

☐ Section chhungah Ui leh Ar vulhtu ten mahni ran vulh khuahkhirh theuh turin an inngen.

**Neuva Section**

☐ Tunkarah Committee koh tum a ni.

☐ Vengchhungah chhiattawk an awm changin, memberte tlawngaihna kawng a tan la sauh sauh turin an inchah.

☐ National Highway/Motor silna velah mihring kalna dal a motor dah thin an awm tih hriat a ni a, dah tawh lo turin an inngen.

☐ An member Michael Lalramsanga chu Mizo Zirlai Pawl (MZP) a Fin. Secretary-ah a tling thar chu an lawmpui hle.

☐ YMA Conference a kal tur zawng zawngten Zairemmawia, Branch Secretary hnenah emaw, EVL Hruaitluanga, Section Secre-

tary hnenah September thla chhung hianin report vek tur a ni. Hun tiam chhunga in report lo chu kal lo tura ngaih in ni ang.

☐ Silver Jubilee thawhlawm chhungtin hnen a khawn tu zawng zawngten mahni khawn sa Tv Zairemmawia, Branch Secretary hnenah thehluh vek tur a ni a, a rang thei ang bera khawn fel vat turin an in chah bawk.

☐ Pu C.Biakkhuma damlo Nazareth lama in enkawl mek pawh a dam that leh thuai an duhsak hle.

**Taitesena Section**

☐ Ni 20th Sept. 2013 (Zirtawp) zan khan Emergency meeting an thu.

☐ Ni 21st Sept. 2013 (Inrinni) zingkar khan Pu Sapa kawmchhaka zunin leivung in a hnawh chu hnatlanga thenfai a ni.

☐ An hruaitute leh member thahnem tak E.Lungdar lama KTP programme a zinte pawh dam takin an lo haw leh ta.

☐ Pu Ralkhama leh Pu Lalremtluanga te inluah lai chu Ni 20.9.2013(Zirtawpni) tlai khan a chim a, chhiat tawkte an tawrhpuin heng chhungkaw 2 te hi tanpuinan Rs. 1000/- ve ve an pe.

☐ A tul apianga hman tur atan YMA thutthleng chu Pu R.Thangdailova (L) te inhnuaiyah dah a ni.

☐ Memberte leh hruaitute YMA activities hrang hrangah thahnemngai leh zual theuh turin an inngen.

☐ Ruahtui tlak tam laia nih avangin mahni inbul hnawmhawkte uluk zawka tifai theuh turin chhungtinte an inngen.

**Vanapa Section**

☐ Section Secretary Pu PC Lalawmawia te naute Damdawiin a awm chu damtaka alo chhuah thuai an duhsak.

☐ Asst. Leader Pu H Vanlalvena fanu damlo pawh dam thuaiin an duh hle.

☐ Member leh hruaitu thenkhat KTP Bial programe in an zin mek a, damtaka an rawn hawn lehthuai an duhsak.

☐ Section huan chhunga Ar vulhtu ten thenawmte tana rimchhia siam lo turin an inngen.

☐ Section chhungah Zu leh ruihtheih thil avanga buaina siam te hruaitu ten an dim dawn lo.

☐ Dt 24.9.13 zan khian Section

**✚ Kan Then Tak ✚**

R. LALHMINGLIANA

Pu Sawiluaia leh Pi Nuhliri te fa pangana R. Lalhmingliana hi Ni 30.12.1954 khan Hmar Chaltlangah a lo piang a, naupang harh vang tha tak niin, mahni inah chuan tawng tam lo tak a ni thung.



Kum 1968 khan Aizawlah pemin, a rem ang ang a thawk thin a, 1977 khan ITI-ah wireman a training a, kum 1980 khan P&E ah thawk tanin a thih thlengin he hna hi a thawk a ni.

Kum 1988 khan Vanlalpeki nen an innei a, fanu pakhat leh fapa pahnih an nei. Mi hrisel tak, infiamna lam thiam leh thei tak a ni. Kum 2003 khan cancer a ni tih hriat a ni a, dam lam pan hret hret ni an hriat laiin, Ni 16.9.2013 khan chatuan ram a pan ta a ni.

**VANCHHINGPUII**

Pi Vanchhingpui hi Pu Lalhuka leh Pi Thanghrimi te fa hminkoh niin, kum 1960 khan Durtlang Hospitalah a lo piang a, unau pali a nei a ni.



Kum 1982 khan T. Lalchhandama nen innein, fa pathum an nei a, an naupang ber hi thla 11 mi niin a boral tawh a, tu pakhat neiin a hmel a hmu hman hram a ni. Fate tana nu inpe tak, an zirna kawnga theih tawp chhuah thin a ni a, a fapa hian BE a zo tawh a, a fanu phe chu MCS a ni nghe nghe.

Kum 1983 atang khan PHE Dept ah thawk tanin, a boral thlengin a thawk a ni. Kumin March thla khan damloin damdawiinah a lut a, natna hrang hrangin a tlakbuak avangin Ni 18.9.2013 khan chatuan ram min pansan ta a ni. Committee koh tum a ni.

☐ YMA Run bul a leivung side drain hnawhtu hi khawtlang hotu ten tihfaidan hria se an ti hle.

☐ An Leader pawh a pizawn boral avangin Seling lamah a thang mek.

☐ An hruaitu Pu C Vanlalsanga Velor lama zin pawh dam taka alo haw leh thuai an beisei.

**LUNGHLU ROAD**

Tunlaiin retaining wall leh hand railing siam hna thawkin ngawrh takin hma an la. Thahnemngai taka hmalatu leh an hnathawhna kawngah tanpuitu AMC councillor chungah an lawm hle.

Lunghlu road huam chhunga hna nei zawng zawngten veng leh ram ro a nih hria a, tha taka thawk theuh turin an ngen tak meuh a ni.

**ZOFA**

□ Ni 21.9.2013 khan Anthuriam Festival, Reiek a neih mekah Bualpui cheraw an entir.

□ Ni 28.9.2013 tlai a Berawtlang a Programme nei turin an inbuatsaih mek.

□ Club memberte lam zir ngai pawimawh turin an inngen.

**Chanmari West BPL memberte Hriattirna**

□ UN&PA atanga thudawn angin Chanmari West BPL member zawng zawng te September thla chhung ngeiin State Bank of India (SBI) ah Account hawn vektor a ni a, Account hi Rs 100 a hawn a, thlatin cheng za (100) dah ziah tura hriattir kan ni e.

□ Account hawngten tun thla chhungin UD&PA Office-ah an nember an hriattir ngei tur a ni baw. Hre Chiang duh tan BPL hruaitu zawhfiah tur a ni ang.

**CHANGE A LO THLENG TAI!**

Battery leh Inverter Company hrang hrang Sukam, Exide, Amaron ah te hian Authorised Dealer kan ni a, Four Wheeler leh Two Wheeler Battery pawh kan nei reng e.

Tin, Electric hniam thut leh sang thut a i TV, Fridge, Xerox leh khawl dang alo him zawk theih nan Stabilizer tha rawn en ve rawh le.

Telephone Box leh EPABX (Intercom) thleng in kan nei baw e.

MIN RAWN PAN VE RAWH LE..!

**S.R ENTERPRISE**

Motor Parts & Accesories

Vauivakawn, Chanmari 'W' peng

Contact: 8414096004/

9615990920 / 8794422844

Proprietor : Zohmangaiha

**CWSC VOLLEYBALL**

□ Ni 16.9.2013 zan khan NI Lalhmingmawii (Amawii) Ch Sect te inah committee meeting a ni.

□ 1st division tournament Tuikual Indoor Stadium a neih zawh takah Pathumna lawmman an la chu committee-in lawmawm a ti hle. Coach leh player-te chhuanawm an tiin, an inpekna leh an thahnemngaihaah lawmthu an sawi. Player thenkhat inhliam an awm chu pawh an tih rualin dam leh thuai turin duhsakna an hlan baw a, inelna an hmachhawn leh turah lawmman tha zawk an lak theih ngei an inbeisei.

□ 1st Division tournament chhunga tanpuina sum pe thintu Pu Lalduhawma T-Sect leh sum leh paia tanpuitu zawng zawng te chungah lawmthu an sawi.

□ Ni 23-28.9.2013 chhunga Volleyball khawmpui lian TNT bultum a neih turah chhuahtum a ni a. Player te lo kaihruai turin Tv Isaac Lalremruata (Nova) ruat a ni. Ni 23.9.2013 hian First Match ah Muannaveng nen an inkhel dawn a, veng mipui te tawiawm theih turin an insawm.

□ An player Pu EVL Hruaitluanga pa Pu R. Lalhmingliana'n a boral san chu pawh an tiin an tawrhpuh hle.

**SAWMNA**

Kan fapa RK Lalzawmchhuaha, January 13, 2013 a boral ta hriatrengna Table Tennis Tournament buatsaih a ni dawn a, Hemi huna min tawiawm tur hian Chanmari West khawtlang mipuite kan sawm a che u.

A hun : Ni 25.9.2013 - 28.9.2013

Opening Ceremony

: Ni 25.9.2013 chhun dar 12:00

A hmun : Kulikawn Indoor Stadium

*R Kawlkunga & Vanlalruati*

*Chanmari West, Vanapa Section*

**HRIATTIRNA**

Vawiin tlai Dar 3:30p.m hian Chanmari West FC Supporter's Club din a ni dawn a, he hunah hian infiamna lama tui mi leh tui lo te pawh kan veng Football Club tana rawn penchhuaka rawn kal theuh turin kan in sawm a ni.

A hmun : Chanmari West Indoor Stadium

(Phek hnihna article chhunzawmna...)

**ENGNGE MPL KHELH A TULNA, A HLAWKNA:**

Tlangval intihbuai hrat tlem tein, 'Kei chu Rahsi Veng ka ni tlat mai' an tih thin vangin Lunglei khawpui a veng ropui tak pawh ni bik lo Rahsi Veng chu Mizoram veng hming lar ber pakhat a ni tlat. Khawvel ram tinte hian lar, len, ropui leh thiltitheih nih kan inchuh.

Chutiang bawkin he laiah pawh veng tinin veng hmingthatna bakah lansarh kan duh. Indo bur bur te, insual rum rum te a rem tawh lo. Sport leh thil dang hmangin ram lak kan tum zawk hlawm a ni. Sport hi a hlawkna leh a hlutna ngawr ngawra chhut chi a ni lo. India-in Olympic medal pahnih khat hlawh chhuak tura sum a sen hnem ziate hi a sum leh pai zawnga chhut chuan hnawmhne pawh a tluk lo.

Amaherawhchu, hmingthatna zawk kan zawng a lo ni reng. Football avangin England rama khaw lian ber pawh ni lo Manchester khua chu United leh City Football Club avangin Mizote mai bakah khawvel puma khaw lar leh mi tamtak thinlung luah ngawih ngawih a ni.

Khawpui ropui New York aiin London veng pakhat Chelsea hi Football vangin kan hre zing zawk. An khaw Football Club hi awm lo se heti takin Madrid, Barcelona, Milan tihte hi Guwahati, Silchar, Bagha tih vel ai paw'n kan lam zing dup lo tawp ang. Khawvel ram ropui ber pathum USA, Russia leh China pawh hi Football ram ropui ni se a let deuh thawin an ram hming a ropui zual ang.

Mizoten football kan hlutzia hriain ZONET neitute Zoram khawvela mi 'a' lo tak takte hian pawisa tam tham tak thapin MFA kaltlangin football hi sum peipunna atana hman tumin chawmhlawm state tiha mawi lo khawp, MPL hi Mizoram puma en theih turin Live Telecast-in an pe chhuak.

(Karlehah chhunzawm leh a ni ang...)

**THLAMUAL SUB-COMMITEE**

□ Thlanmual in a hman tur Sintex 2000 ltrs an lei a, thlanmualah dah fel a ni tawh a, connection pawh tihfel thuai beisei a ni.

□ Chhiat kan tawk ngun hle mai a, kan mawhpurhna a ni tih hriain thlanlah lamah tlangvalte tanla thar turin an insawm.

**THIL CHHAR**

Chanmari atanga Chanmari West, Chawngbawla section thleng taxi hmangtu khan tiffin i theihngih a, YMA Park, Anganwadi bula awm K Lalfakzuala hnenah lam theih a ni.

**Hming thlak**

C. Lalmuankima Taitesena Section Leader chu Lalmuankima Chawhte tih tawh tur a ni.